

頤
道
堂
詩
選

頤道堂詩選卷二十六

自箴詩

昔衛武公年九十有五猶作抑戒之詩以自警

僕

今年五十有九知非未能聞道苦晚因歷敘生平

臚陳闕失以自箴焉

攻玉務去瑕力田務去草生質非聖賢豈能皆美好昔者
衛武公秩秩守禮儀行年九十五猶作抑戒詩嗟我樛櫟
姿漸苦桑榆晚叢過歲益深望道日以遠復禮在克已責
躬先省心追憶生平事鑒此座右箴我生乾隆中太歲在
辛卯八月廿七月初昏星見昴周甲同祖庭鶴髮方在堂

孩提泯知識渾噩遊羲皇五齡入家塾十齡更十五性既
柴也愚質更參也魯十六學文字十七學詞章十八遊泮
水識拔感紫陽

朱文正公

十九至廿四悠悠荒歲月改業思棄

繙從軍欲投筆淮南阮公來冰心徹玉壺經神鄭高密儒
臬董仲舒爐劍躍冶鳴囊錐脫穎出譽我士無雙許我才
第一從公春明遊延譽公卿間詩篇美李杜文筆稱馬班
一舉敗更成一第得復失十年客京華辛苦邀微秩寅年
至皖江

嘉慶丙寅

卯年至江蘇稍遂負米懷高堂心歡娛名場

有坎坷官場有恩怨併無蒔蘆問那得蒲桃換如是十六

年始得官江都幸未玷師門方之真州屠

謂琴

經今又九

年事如雲不定家事迭變更窮薄輕性命末年嚴親逝

成年愛子天謬臺不可支兩度客漢泉明年歲在寅今年

歲在丑絳人數甲子屈指五十九昔者蘧伯玉五十云知

非我更逾十年知非仍未知我姑言生平生平仗師友巍

巍淮南公師恩實居首文正公師門文字知淵源余已未取教習

亦出文正秋閣四座主當代皆名賢戊午座師吳稷堂侍

座師曹顧崖侍郎黃初甫太史雲間王蘭泉與蘭陵孫淵如問字常閣坐

詰經精舍中當年三獨座任公家嵩陽任公澤和彭公家

峨眉彭公家瀝溪與昌黎薦達皆吾師周石芳侍郎韓

試薦卷更憶童蒙日屈指孰先後柯古啓我深段師南軒

待我厚張師因師更及友海內多賢豪寸心所感激不僅

文字交查公玉芝堂滄餘比部篋孫郎雲繪園古雲幸免

杜陵感適館兼授餐卽論文字交交亦有深淺蘭雪交最

先爲我申雄辨

新城吳舍人嵩梁

蓉裳長以倍視我若弟昆

金匱楊農

部芳

謂我叶堦麓詩派同梅村梅史我諸舅寸心共吾素

旅食京華春

海昌查大令揆

曾共三年住麗生才力健各自張一

軍白鷹決秋漢紫鳳凌浮雲

丹徒嚴大令學淦

鐵雲交最深

大興舒孝

廉位樊村交最久

太倉蕭明經掄

榕皋老尊宿

吳縣潘京卿奕雋

譽我不去

口涉世五十載結交三十年海內諸名流半在師友間因

友以及親更有龍山仰

夢餘大令

詩教得最先感激非文貌更

有梁學士

山舟先生

魯殿稱靈光折節屢下交此意焉可忘更

有張平子

仲雅先生

選學曹李亞訂交惜已遲近惜捐館舍故

鄉與京國兩地稱三陳

杭州以余與曼生瀛芝爲三陳種京師以余與荔峰曼生爲三陳種

榆跡較密西湖稱曼雲自從入官場名公多知己第一鐵

仙書梅菴目我以國士同列戴可亭與徐心如排拭亦再

三股勤薦馬周始得官江南更有慶方伯蕉園文端之賢

子比我於隨園優禮無與比故人有公孫屢作宣明面公

實覆庇之孜孜心不倦孫公家海岱節剛休休心和平謂

我達治體謂我通人情念我有老親推恩及子弟至今望

慈雲依戀何能已朱公重文學靜齋楊公惜人才雪帆黎

公表忠誠河帥黎魏公抱虛懷愛軒懷舊牛古人何處土

一坏九京不可作使我中心哀孫公久謝位後嗣振風采

侍御善寶慶公幸無恙節鉞秉南海更有英相國惴忱冠

中朝薄懲僅遷謫龍江遠迢迢煦齋凡此數鉅公皆我嚙

恩處其餘同輩賢屈指難悉數張公與潘公

芥航芸閣
兩河帥招

我論河渠頻年慶安瀾賴此數卷書梁公與賀公

苴林耦
耕兩方

伯聽我談海運草議六十條聊以答明問稼穡民先務農

桑國本計雲間與廣陵所至籌水利忠臣表正氣烈女揚

芳徽瀛洲與邗溝所至營專祠一從官吳門畱意在後進

說士甘於肉提唱心力盡前後諸七子一人中英及今

已五輩次第成高名所惜琅邪王

謂非叔

少年美才藻遺文

尚未刊日星秘光耀生平愛文字搜才及閨中從來王謝

家頗多林下風京華三閨秀東南諸女士嬋娟出大家人

美詩亦美子婦謝道韞中婦管道昇各自寶詩卷簪花書

吳綾蘇臺花月天白門金粉地燕燕與鶯鶯羅綺紛佳麗

亦如蘇和仲所過求詩章兩編畫舫錄墨瀋畱餘香生平
所爲詩始學吳祭酒宛轉長慶體規撫三百首一變爲澹
遠再變爲蒼涼三變爲沉鬱四變爲尋常邱遲錦垂盡江
淹筆漸秃長畱天地間覆瓿或可卜西泠詩五集秣陵詩
一編各有單行本任其傳不傳亦嘗爲文章中多論經濟
經濟誰所爲空畱此文字駢儷仿六朝聊以寫性情或云
吳園次或云尤展成餘事偶倚聲蘇辛與秦柳和以紫鸞
笙不知協律否經學昧門戶史學迷津梁所作僅如此何
以經星霜一子頗有才志欲翔千仞頗似賈長沙亦似周
公瑾志大願難遂客死悲漢皋遺恨無終極漢水流滔滔
我身逼衰年賴此聊自壯意外遭奇變能不心悲愴上有

邁母邁下祇孤孫孤病妻與寡媳何以相枝梧持家賴
仲姬安詳能不擾古來姬侍中似此才亦少宦海本浮宦
名場亦虛名屈指廿年來百事無一成悲憤旣未宜頽放
亦無益因思古賢達黽更修德修德德不進或者無鍼
砭程子作四箴獨於非禮嚴禮非我輩設斯言悞已久所
宜慎視履跬步不可苟守口當如瓶防意當如城畱意道
學傳或者成儒名習儒雖有年爲儒頗不易聊將洗伐功
瑩此方寸地近年讀仙書頗欲求神仙伯陽參同契紫陽
悟真篇始知學道人與儒本相合務求放心放務祛雜念
雜三教儒釋道三寶精氣神得精遺其粗亦非身外身其
義在中庸其理在周易言性與天道賜也聞未得谷神應

玄牝妙蘊參黃庭老子猶龍乎更有道德經我家西湖西
開門對秋碧思求二頃田更營五畝宅當門種楊柳繞屋
栽梅花更建懷仙閣以待萼綠華綠華本仙師丹經有口
訣亦如西王母靈真最高潔拔宅八千所登真十萬人不
讀列仙傳終古迷埃塵我生夫如何蹤跡略具此此後不
可知視作餘生矣第一古仙人去訪廣成子長生未可學
且學長不死

讀詩

暑年解誦詩三百十五國風多好色首讀周南次召南蔽
芾甘棠懷召伯正雅以後變雅多表裏春秋見王迹三頌
中間有正聲虞夏以前無簡策我有新詩寫性情不向前

國朝文獻卷二十一
賢門標格各領風騷數百年耿耿長庚映天碧

讀易

我昔讀詩今讀易一畫開天分太極義文周孔遞推衍乾
坤始復通消息獨以卜筮免秦火呵護應知鬼神力太極
之圖皇極傳前有希夷後康節鉅賅造化細象數卽以六
爻無不得求仙卽是古丹經韋編三絕無人識

答琴園內史見寄之作

夜深無語看銀河秋氣生涼透薄羅聞道散花天女病情
禪惆悵懣維摩

袂衣猶帶百花熏玉骨香桃瘦幾分一翦殘燈搜盡篋累
他典盡舊羅裙

春在天涯不是春
白銅鞮唱翠眉顰
漢皋久已無遊女
那得凌波解佩人

無端來食武昌魚
黃鶴樓邊感客居
十斛明珠千尺錦
經年三十六封書

國色分明秀可餐
粉圍香陣擁詩壇
近來乞得劉鑾塑
一朶能行白牡丹

斜日空廊藥鼎香
洞房華榻倚明妝
玉臺珍重相思淚
莫向秋階滴海棠

知君扶病嬾登樓
極目微雲畫晚秋
莫信雁回人更遠
好從天際識歸舟

憶故園齋前雙桂樹

書堂雙桂樹亦似苗蘭芽珠露含庭綠秋來每著花
牕虛風薦馥階靜月生華招隱人何處歸心託晚鴉

鴟夷子皮

古來傳人事匪一或以功名或隱逸少伯當年王佐才
黑自深於黃老術臥薪嘗膽此何人霸越亡吳吾事畢
烏盡弓藏去便難自古失身機不密避福原如避禍深
逃身更比逃名疾扁舟況載浣紗人苧蘿顏色嬌無匹
蠡口年年花自開五湖烟水空明月三致千金亦偶然
珍重計然遺策七一編貨殖有傳人班馬千秋兩枝筆

商山四皓

楚漢龍虎方爭雄四皓高隱商山中戚姬奪嫡勢未已四

皓從容從太子漢之孝惠如成康廢嫡立庶秦以亡高皇
大度豈昧此佐命況有張子房招致四皓亦名耳以謝戚
姬聊爾爾楚歌楚舞泣數行人魂之萌早知矣日暮途窮
事可哀割慈棄愛枉雄才託辭自出高皇意四皓何嘗應
名來

讀徐霞客遊記

俠稱遊俠仙遊仙逍遙更有南華篇先生之遊胡爲者攀
星踏霧三十年向平五嶽願可酬太白愛入名山遊先生
此記亦大好頗似東方曼倩所經之十洲域內有山無不
至遊蹤所至無不記遠探江河最上源不是積石岷山中
國地地毯盛海海有邊我思徧遊域外名山川東洋西洋

僅隔一海水仙之人今應在十洲三島方丈蓬壺巔但尋
鸞鳳穴不探蛟龍淵身外之身天外天此中或者多因緣
彎弓遠挂扶桑樹此是先生未遊處萬言賦海定恢奇壓
倒木華張融兩篇賦客言此事須躡雲縹緲何處雲中君
不如臥遊且學宗少文不然去訪華胥國裏之長春

送人至歸州

巫峽氣蕭森江沱近水渾傳聞左徒宅尙有女嬃砧楚國
餘文藻離騷多古音生平香草意久已薄荒淫
昭君村尙在彷彿見昭君青塚殘碑失香溪百草熏丹青
餘玉貌兒女惜羅裙莫話和親事琵琶不忍聞

明妃曲

昭君村在歸州自楚入蜀必經此地聞友人言其
風景因作此詩

畫師皆俗筆那解寫明妃價惜黃金少瑕添白璧微
姿消海棠艷芳減牡丹肥從古官幃事蛾眉感遇稀
君王不重色竟未識明妃永巷無消息長門有是非香銷
九華帳花暗五銖衣定有承恩者嬋娟或庶幾

玉門關外月曾解照明妃青海春橫帳天山雪打圍射雕
環翠鈿走馬擁珠旂遠嫁能無感鄉心與雁飛
香溪深罨畫曾此產明妃一水橫波艷羣山翠黛微娥皇
秋淚灑神女暮雲歸尙有佳人否天寒冷翠衣

寄題昭君廟

昭君不應詔亦在五人中慷慨佳人意艱難國士風烏孫
原有例麟閣問誰功青海穹廬月何如在漢宮

香溪曲

香溪溪上水東下美人沱鳴綠添新漲家家染碧羅
香溪溪上草一半是蘿蕪莫唱羅敷曲春山有鷓鴣
香溪溪上石如玉復如脂曾坐嬋娟處沉吟憶黛眉
香溪溪上月流照最玲瓏青塚人何處年年話漢宮
香溪溪上花花裏女兒家一自琵琶去濃妝謝曉霞
香溪溪上路隨處總銷魂西上尋源去明妃尙有村

題徐芝仙清明日酌青冢詩後

自古和番者昭君有盛名琵琶胡敵國粉黛漢長城合畫

麒麟閣能空驃騎營至今青塚上白草不能生

青冢今猶在君行遠過之楚魂招玉遂漢酒醕瓊卮柳葉

飛金雁

冢前有臥柳

苔花臥石獅

冢上有石獅一石虎一虎皆有青冢二字

當年圖

畫者幾箇有殘碑

題王蓬心畫九疑山圖

九疑之山橫九峯連綿不斷嵐烟濃峯峯形勢云相同中

藏萬朶青芙蓉娥皇女英

二峯名

各有態近傍中峯翊華蓋

石樓深處聽簫韶

石樓簫韶亦二峯名

仙樂飄飄墮雲外其下九水

所發源一峯一水流潺潺四流嶺南五嶺北亦如辰澧瀟

湘沅此圖君自何年寫秀色蒼然入騷雅中有蒼梧一片

陰雲氣蒼茫歷平野昔者猗玗子亦曾圖此山

元結有九疑山圖記

謂當尊此作南嶽可以俯視祝融紫蓋朱陵之洞天我思
萼綠華亦有郭芍藥山中二女仙多少仙人姿綽約山中應有
好樓閣仙之人兮樂復樂欲往從之倦腰脚待寄秋心入
寥廓長吟招取橫江鶴

送友人遊衡山

君向衡山去衡山問若何嶽祠秋色遠楚甸月華多响屐
碑應在瀟湘水又波倘經回鴈路歸興定婆娑
雲中見朱鳥終古一峰尊秀色開仙宇陰崖闕洞門題詩
謝靈運訪道魏華存我欲求靈藥還尋湘水源

南嶽魏夫人詩

夫人名華存字賢安晉司徒魏舒女幼好道讀莊

老三傳五經百氏無不周覽志慕神仙服胡麻散
茯苓丸常欲別居父母不許年二十四適太保掾
劉幼彥生子二長曰璞次曰遐幼彥後爲修武令
夫人心期幽靈精誠彌篤乃離隔屋宇齋於別寢
三月有清虛眞君王褒與諸仙眞以扶桑大帝君
命授以神眞之道並太上寶文八素隱書諸經三
十一卷云昔學道南極夫人西城王君所授本文
也扶桑碧阿陽谷神王景林又授以黃庭內景經
乃能洞觀鬼神色返嬰孩得不死之道其後幼彥
物故天下亂夫人撫養內外旁救窮乏因攜二子
渡江璞先後爲庾亮溫嶠司馬安成太守遐後爲

陶侃中郎將夫人遂得冥心齋靜真靈累感修真之益在世八十三年以晉成帝咸和九年歲在甲午王君復與東華青童來降與夫人成藥兩劑一曰遷神白騎神散一曰石精金光化形靈丸七日太一玄仙遣飈車來迎乃脫劍化形而去入陽條山中誦經萬遍積十六年顏如少女於是龜山金母南極元君共迎夫人白日昇天位爲紫虛元君領上真司命南岳夫人復屢降茅山命子璞傳法司徒琅邪王舍人楊羲護軍長史許穆子玉斧並皆昇仙陶貞白真誥所呼南真卽夫人也

南嶽上應天文鶉地脉遠溯江源岷一峯朱鳥雲中竊洞

天福地如崑崙中有一人字華存當塗之女貞且淳下降
卯金爲世婚亦如仙偶之劉樊二子亦是神仙根幼年慕
道禮紫宸中年向道降玉晨琅玕作歌妙可聞授以隱書
之秘文東華西華楊靈芬下飲月華上日精餐霞服霧同
嚙吞碧阿更有扶桑神授以內景語丁寧上有黃庭下元
關前有幽闕後命門安適六府和三魂讀之萬徧可長生
住世既久宜隱形託劍化去青天青陽條之山神仙庭更
十六載道以成顏如少女嬌孩嬰龜山金母總萬靈下遣
玉女來相迎龍虎俠侍扶雲輶白日同向天門昇位以紫
虛之元君命司南嶽稱夫人我思五嶽居羣真古今仙者
十萬人雲林紫微皆媼姪九華帳隔雲母屏五銖衣薄鏘

流鈴銀河清淺流交裙姓名次第書墉城我夙慕道秉中
誠家與稚川爲比鄰屢期句曲從茆盈仙緣近日通朱陵
思從鸞鶴遊青冥中夜更讀黃庭經

巴園詠橘中仙事

何處巴邛有舊園橘中之樂比商山玉塵輸却餐龍脯歸
去青城暮雨間

藕絲尋孔修羅入蓮葉乘風太乙行我亦有園思種橘待
君來置玉棊枰

伊墨卿寄韓桂舫楚南句云月華洞庭水蘭氣瀟湘
烟意境曠逸深得六朝神理常爲余書作橫幅偶檢
篋衍得之各賦一詩卽寄湘中故人

洞庭湖水濶靜夜月舒華涼入漁人浦秋生楚客家星沉

鷗夢穩雲歛雁行斜何處聞瑤瑟烟波未有涯

右月華
洞庭水

幽蘭種湘浦花氣夜成烟佩有餘芳襲衣因墜露寒垂鬢

歌嫋嫋連袂影娟娟采擷多情思湘人應未眠

右蘭氣
猶湘烟

夢登華山玉女峯遇采藥女子雙髻簪花靈顏殊瑩

從以白鹿以雙頭紫芝贈余異而賦之

玉女峯前古路平滿山仙藥不知名青蘭壓髻紅梳佩恐

是當年魯女生

魯女生長樂人傳胡麻及木
人華山仙去見漢武內傳

白鹿如羊顧影遲青崖隨意采瓊枝不知他日何因果贈

我雙頭五色芝

子堅以新刻自春堂詩見寄月夜攜登黃鶴樓讀之

因題一篇卽效其體

大江夜湧水輪圓三山遠隔江南烟謫仙醉魄呼欲起墨
花朵朵開青蓮矯如絳螭出重淵俊如白鵠摩高天幽如
紫芝深澗底鬱如翠柏層崖巔世人學杜不學李李之
人世凡幾翁山曠逸過眉山千一百年惟此耳近來海內
多詩豪不師小雅師離騷毫端獨得鳳皇髓茗香以後惟
石瓢萬里江山洗秋曉古來詩境烟霞好羨君仙骨復仙
心不游五岳遊三島天台之瀑匡廬雲往來飄忽雲中君
笑引羅浮大胡虵飛來片片麻姑裙吸江亭外江湖白吞
海亭前海雲碧萬梅花下故人來喚起癡龍夜吹簫嗟我
學詩三十年棲心隱逸耽神仙烟江幾處酒樓在樓中招

我人翩翩遠寄新詩一千首四明狂客眞吾友更呼崔顥
共長吟黃鶴樓頭一尊酒

秋江夜渡

闌干珠斗送扁舟涼露橫空濕欲流秋晚斷鐘來野寺夜
深斜月上江樓遠山雲重迷黃鶴古岸花低宿白鷗獨倚
蘭橈吟碧落迢迢銀漢隔牽牛

漢南秋思

天涯秋思感無端菊秀蘭衰惜曉寒湘女乍來香冉冉洛
妃將去步珊珊嬾從衡嶽招朱鳳祇向鍾陵憶彩鸞結習
自來忘不得碧城十二曲闌干

夢聞長蘧醒聞鐘開到秋花玉露濃伏櫪壯心消老驥登

樓豪氣謝元龍居鄰天竺三生石詩寄匡廬五老峯攬勝
不須遊海岳翠微佳處儘扶筇

名場宦海計都非何況鴟夷託業微客感夜呼鸚共語仙
心秋與鶴同飛日斜松徑聞樵唱花壓柴門夢釣磯莫諷
淮南反招隱遂初終著芰荷衣

一分秋是一分愁江館蕭條况晚秋細雨瀟瀟閒臥閣顏
雲黯黯獨登樓杜陵有感兼遙夜屈子何心更遠遊昨向
瀟湘湖上望暮帆無數是歸舟

詠洪山野鳳皇

一角洪山寺飛來野鳳皇皈依八功德懺悔五文章樹蔭
杪擺密花開薝蔔香故鄉丹穴好何事久迴翔

黃鶴樓呂仙玉遂是畢秋帆尚書姬人張霞城

綢霄

所製秋日登樓借吹一過因成是篇

黃鶴樓頭吹玉遂吹落梅花江月白
仙人去後遂聲孤江
水無聲暮雲碧美人如花秀可餐
何年翠袖凭朱闌昭華
親製白玉琯喚起玉龍招玉鸞
樓頭夜夜遂聲起疑有仙
人綵雲裏一片穿雲裂石聲
四山香雪吹成水落日蒼茫
酒一杯三層高閣八牕開
臨江試作梅花弄黃鶴仙人
倘下來

贈塑工杭生

塑我穠芳院穠芳盡是花
素娥停月御侍女禮雲華
羣玉圍紅袖繁香擁碧紗
桃源兩仙子還與進胡麻

扶風開絳帳弟子盡仙才玉局修書竟金釵問字來春山
舊池館秋水近樓臺卅六嬋娟子花前立翠苔

仙人非好色玉女郎金丹華月原堪服明霞亦可餐藥苗
香碧澗松影轉瑤壇三疊琴心後黃庭誦夜闌

金粟維摩影前身與後身重開天女相來作散花人示疾
原非疾逢春不當春心經雨淺說相與證蘭因

月夜晴川閣望隔江黃鶴樓

層樓高壓翠微巔前有飛仙後謫仙漢水西來三百里詩
人東去二千年雙清入夜偏宜月一碧涵秋遠到天便欲
凌風跨黃鶴遂聲哀怨起蒼烟

登晴川閣題雲桴亭

晴川閣左舊有小亭爲漢上諸君收主望遠之地
圯後重修境極高曠余爲題額曰雲行並署楹帖
云慧眼觀來皆福海佛心到處卽慈航暇日登臨
因足成之

江水江雲接渺茫軒牕歷歷數帆檣風波易與勞生近事
變還須著意防慧眼觀來皆福海佛心到處卽慈航善緣
證果他年事閒與山僧話夕陽

月夜登伯牙臺

月湖湖上月曾照伯牙琴流水仍天地高山自古今雲開
孤鳳語潭靜臥龍吟莫倚冰絃妙無人知此音

題范石湖吳船錄

但覺吳船穩何愁蜀道難長風送青雀應不羨騶鸞
遠陟我眉頂朝朝見佛光雪山橫萬壘六月境清涼
杜老題詩處潛翁刻石年登臨兼嘯詠蹤跡勝前賢
眞面何人見巫山十二峯畫師橫小舫著意寫芙蓉
遠山如眉黛近山如髻鬟江行八千里處處有青山
蜀女明如玉青衣亦麗都雙鬟吹笛者中有小紅無
向晚盤門入征塵拂杏衫全家祝安穩宦海此歸帆
鄂渚三年住征程我半之江山更花月一樣與題詩

雲莊書來言我眉百歲老僧問余蹤跡

我眉天萬里絕頂更峻嶒解話三生石相逢百歲僧枕雲
披白衲浣雪卓紅藤寒殿無人夜長明伴佛燈

我憶前生事西泠舊壑菴名疆羈老馬情繭縛春蠶聽法
維摩室皈禪彌勒龕他年同證果雪北與香南

寄青城隱士

青城多隱士隱者卽神仙黃鶴橫秋漢青驪踏暮烟白雲
君世外明月我生前何日攜尊酒松陰共醉眠

李月圓詩

太白女弟也墓在彰明縣清廉鄉隴西院側相傳
是其捨宅

班固有女弟能續後漢書左思有女弟才亦班昭如太白
本星精女弟乃名月三五月正圓夜靜清輝發團圓瑤臺
鏡皎皎白玉盤彷彿張麗華桂樹居廣寒一賦蜀道難遂

成廣陵散俊逸鮑參軍無書寄雷岸詩人慣飄泊容易忘
妻孥伯禽生蜀中太白子也小字明月奴明月卽圓月或者姑
所撫桃花行比肩更有平陽女至今隴西院殘碑沒平楚
峨眉半輪秋猶照墳頭土

黃崇嘏詩

崇嘏臨邛人年二十餘工詩善琴棋書畫早喪父
母未字人男裝依老嫗以居以失火下獄會周庠
權知邛州上詩云偶辭幽隱在深邛行止堅貞比
澗松何事政清如水鏡絆他野鶴在深籠庠召見
之稱鄉貢進士祇對許劭因釋之命於書院讀書
復獻長歌益奇之薦攝司戶參軍胥吏畏服案牘

一清庠欲以女妻之崇嘏乃爲謝狀兼貢詩見意
云一辭拾翠碧江湄貧守蓬茆但賦詩自服藍衫
居郡掾永拋鸞鏡畫蛾眉立身卓爾青松操挺志
鏗然白璧姿幕府欲容爲坦腹願天速變作男兒
庠覽詩驚問故黃使君女也已乞罷歸臨邛墓在
邛水故城西銅鼓山見五國故事十國春秋蜀水
經諸書院本有女狀元春桃記今不傳

司戶攝叅軍鄉貢稱進士不圖簿領中有此奇女子貞操
卓青松明姿皎白璧野鶴出深籠羽毛厲冰雪胥吏畏神
明使君愛才儁可惜非男子烏紗攬蟬髻更才妙若彼詩
才美如此況工琴畫書風流掩名士俗稱女狀元狀元如

爾少倘置臺閣間鴻筆抒文藻蹤跡苦人知貞白安吾素
臨邛歸舊隱相偕惟老嫗青山間銅鼓埋玉有遺墳臨邛
兩才女何似卓文君

重九不得登高取篋中五嶽圖志讀之題古詩四首
生平慕禽向婚嫁願早畢遐哉山澤遊五嶽僅登一岱宗
禮元君中夜觀日出題名玉女池彷彿開元筆至今三十
年夢境猶彷彿篋中摩崖碑蛛絲罥殘帙一集記岱遊聊
以鳴鴈蟀

太華多神仙毛女稱玉姜嵩少多隱逸盧鴻志草堂元嶽
藏寶符松柏恒青蒼朱陵閬石圉芝朮餘馨香風波起宦
海羅網羈名場欲遊願未遂不遊心難忘每於夢寐中嚮

鶴驂翱翔

夢遊境尙虛不若臥遊好昔者宗少文四壁畫烟島我有
五嶽志烟霞蘊文藻作者古賢達苦心爲蒐討仙者十萬
人幾輩稱華皓嬋娟守丹訣雲容慕窮窅更有真形圖金
箱珍秘寶

秋陰暗小齋今日古重九近地巖壑多著眼輕培塿不如
讀我書虛明就牕牖名山在方寸無數好林藪餐霞與飲
淥饜此心與口何人餉茱萸云可永年壽階前叢菊開更
進一尊酒

仙棗亭道士餉棗

清陰香徧小亭前幾度花開實又懸撲以竹竿歌纂纂薦

來瓜瓞詠綿綿安期解贈真吾友小吏當年已得仙擬向
高樓待黃鶴遂聲曾憶夢中緣

送韻林之巴東

指點孤帆入暮霞征程先問楚章華鯉魚江上頻緘信鴻
雁聲中莫憶家與我蘇臺同客夢有人蜀道更天涯巴山
話雨知相憶記取尊前酌菊花

自嘲二首

河渠海運兩不成乃與桓寬論鹽鐵循吏儒林兩無著轉
向史遷談貨殖二十舉茂才三十察孝廉四十五十作民
牧頗思膏澤敷窮簷貪賈三廉賈五一丁不識大腹賈一
錢不值噲等伍堂堂復堂堂計然之策非荒唐五湖烟水

容徜徉扁舟未載施夷光萬戶侯千金子障籠持籌事如
彼有約春陰入荷鋤明年六十爲農矣

親戚愁歎僮僕餓傾耳除書走相賀爲農不若且爲官何
事東山學高臥漏猶未盡鐘未鳴何妨行行重行行負郭
況無二頃田負鍤空說南山耕笑語僮僕謝親戚宦海風
波久經歷傀儡登場終散場野老何勞苦爭席秋雪菴前
萬樹梅梅花深處草堂開故園松菊陶元亮笑指東籬歸
去來

鎬京

鎬京秋色接臨榆珠露銀河靖蹕途 宮輦雲中雙鳳駕
鑾輿海上六龍扶上陵嘉頌儒臣奏 賜酺醲膏父老愉

聞道崔駟竄遼海金雞還有赦書無

詩中十一友詩

余昔在京師同人品余詩爲紫鳳以麗生爲白鷹
麗生至蜀蓉裳又以薊雲爲香象渡河以麗生爲
金翅擘海詩人之才藻猶羽族之文采屈指同輩
正不乏人因仿少陵飲中八仙梅村畫中九友作
爲此詩本十二人其一卽麗生也

夢餘之詩如黃鶴仙人羽駕臨江閣鐵笛吹雲停碧落

邵無恙

鐵雲之詩如青鸞澹碧細染銖衣單玉簫宛轉秦臺

寒

大興舒位

澹川之詩如白鷺照影空江閒不去雪羽霜毛愛

吾素

嘉興吳文溥

松壺之詩如素鵬蕉陰滿地苔花間月明秋

思生空山

錢杜和

蓉裳之詩如孔雀金翠迷離姿綽約琪樹

飛翔映華萼

金匱楊芳燦

頻伽之詩如閒鷗江天浩蕩烟波秋

忘機落落隨天遊

吳江郭麐

樊村之詩如文雉渴飲玉漿餐玉

蕊耿介文明世無比

太倉蕭掄

梅史之詩如天雞白雲遺響扶

桑低珠斗直北銀河西

海昌查揆

甘亭之詩如翠鶚瀚海拖秋

橫大漠長風響落陰山暮

鎮洋彭兆蓀

石瓢之詩如征鴻江湖

滿地悲秋風清響遠落層雲中

丹徒楊鐫

蘭雪之詩如青鳥海

外傳書徧烟島顧影脩脩長不老

新城吳嵩梁

喜益齋至自犍爲柏泉至自巴東

秋風吹落葉不寐正思君衣拂巴江雨帆停蜀棧雲籬邊
花正好江上雁初聞天末經年事殘樽話夜分

謝白舫寄浣花箋

浣花溪水滑製出浣花箋粉確輕紅研香奩縹碧研魚鱗
緘蜀道蟬髻憶唐年十種吾新製金釵絳帳前

謂梅花十種箋

謝雲莊寄郫筒酒

郫筒春酒美遠自蜀中來蕉葉傾紅醞蒲桃潑綠醅千花
環錦里萬壑擁琴臺何日臨邛市從君數舉杯

蜀中三井詩與益齋夜話並寄白舫雲莊健爲

蜀中三井天下奇我之所聞君見之井油可以潤枯槁井
鹽可以調釜錡火井卽從水井出引以凡火騰炎曦可佐
烹飪燭幽暗能使萬物生光輝我思蜀道多山復多水峩
岷縈抱江源馳天彭所結地脉厚亦如人身骨與肌鹽井

爲地髓油井爲地脂火井地中之氣耳中有易理通坎離
近來學仙頗有得此中消息吾能知以精化氣氣化神提
挈天綱通地維明年君行再入蜀吾亦西上經巫夔作詩
先付飛鳥使一尊待我郛筒郛

李翁鑿灘詩

翁名本忠漢陽人幼操舟爲業往來川江深知險
阻旣富以數十萬金鑿險灘至今未竟蓋豪傑之
士也賦此美之

禹功畱缺陷江水湧驚湍黑石連青石新灘接業灘龍蛇
分地穴日月避層巒多少乘槎客長歌行路難

李翁豪傑士辛苦鑿崔嵬不惜黃金盡終令翠嶂開功名

謝當事

楚蜀兩省大吏奏請旌獎君皆堅辭貨殖出英才祇合循三峽深鐫

姓氏來

送柏泉回吳門益齋歸越中

君來纔幾日各自返鄉關柔櫓乘潮下輕帆帶月還萬重
香雪海一角葶蘿山到日應相憶天涯客鬢斑

題沈丹穀遊羅浮詩後

羅浮兩山能合離昔者夢遊曾見之花首臺高一千丈仙
人五百皆蛾眉雙鬟嬌小舊相識海月爲我吹參差何年
一謫墮塵網霜華滿鬢生秋絲案頭忽見彩雲墮東陽瘦
沈投新詩如入仙山最深處啁啾翠羽啼深枝昔者張陶
園有人相待花間住我友吳巢松獨遊曾向花間去蕊珠

峯頂明月來朱明洞口梅花開君披翠裘踏香雪抱琴醉
臥梅花苔羅浮處士嗟遲暮羅浮道士歸何處祇有仙人
萼綠華化作梅花千萬樹吏隱吾思葛稚川丹砂乞得爲
延年初陽臺下吾家在胡蝶飛來也是仙

詠仙

仙人騎綵鳳遊戲下層霄明月瑤臺夜閒吹碧玉簫微波
動銀漢涼露濕冰綃十二巫峰外行雲不可招

桂樹影玲瓏嫦娥住月中遙知廣寒殿卽是蕊淵宮

見真誥

玉襪修初罷霓裳舞最工長生擣靈藥隱隱隔房櫳

郭四朝詩

四朝燕國人弟兄四人四朝其長也常於華陽山

下種福鄉之柰許長史宅前有塘乃四朝所造常
乘小船遊戲叩船而歌司三官者六百年上補九
宮左仙公領玉臺執蓋郎種植之地梁代猶名郭
千展上公高辛時人常於華陽食白李秦時道士
周太賓及巴陵侯姜叔茂種五果及五辛菜皆仙
也客有以四朝事問者賦此答之

四朝燕國人曾種福鄉柰汧水東南流築塘如築埭神波
清池廣靈岫長林帶鼓機希晨風逍遙九垓外左仙隸九
宮玉臺司執蓋仙詩在人間謳吟二千載至今伏龍地白
李妙無對山中訪舊居郭千遺趾在豈獨周姜流解種五
辛菜

范長生詩

范寂字無爲後漢涪陵處士昭烈徵之不起封道
遙公得長生久視之道因稱范長生晉元康中蜀
亂率數千家保青城山今赤石城長生舊居也譙
秀蜀記稱蜀八仙爲容成公李耳董仲舒張道陵
莊君平李八百爾朱先生及長生也董仲舒乃孝
子董永之子織女所生與廣川同姓名

青城卅六峯峯峯勢鬱律中有古仙人高臥九仙室

青城山爲

第五洞天名寶仙九室之天

帝王徵不起逍遙娛我情長生得久視遂

以長生名避世入茲山如隔桃源路手植今尙存百丈青
楠樹年來耽隱逸亦復慕神仙碧落橫青嶂黃冠幾輩賢

仙人遺像在舉手整貂蟬

碧落觀有孫太古畫
長生舉手整貂蟬像

市中贈華陰賣藥叟

太白連終南仙家好林壑君從何處來可有長生藥

葦箔蛾眉女丹爐鶴髮翁母勞問名字我識是壺公

錄三仙人詩書後

雲房先生鍾離權生於漢從周孝侯征齊萬年兵

敗入山遇許堅及王元甫傳道入崆峒自稱都散

漢善書見宣和書譜雲麓漫抄夷堅志錄詩五首

仙家都散漢蓬島此英雄聞有新詩句頻題酒肆中書名

重靈隱

靈隱法堂字
相傳先生書

丹訣證崆峒殘雪猿啼處紅蘭花幾

叢露滴

紅蘭玉滿畦半峯
殘雪猿啼處先生句也

呂洞賓先生岳侍郎渭之孫蒲阪人舉進士不第
官德化令值黃巢亂棄官學道入終南山往來人
間仙跡甚著皈依弟子輯逸事爲呂祖全書錄詩

九十五首

仙人愛高詠詩亦似神仙大醉三千日長吟一百篇烟霞

爲伴侶日月任嬋娟黃鶴樓頭夢從君證夙緣

三三上應三千日九

九中延九萬年等閒倒盡十分酒遇興高吟一百篇物外
烟霞爲伴侶壺中日月任嬋娟皆先生句也結語指仙棗
亭夢中

題詩事

家圖南先生博亳州真源人後唐長興中舉進士
不第隱華山雲臺觀周世宗賜號白雲先生入宋
賜號希夷先生錄詩十一首

先生傳睡譜佳句滿雲臺衡嶽峯頭樹華山石上苔仙壇

扶醉去毛女踏烟來更憶我眉頂鸞書見逸才

醉來捨轡謁高公謂

何忠一希夷從受鎖鼻法也又有與毛女遊二詩嘗書福壽二字於我眉山風洞我眉真與人相傳卽先生也

太倉徐君秋士顧君子雨有婁水琴存之刻以繼婁

東詩派余二十年前於趙菊潭案頭見曇陽徵信錄

抄本亦婁東同志所輯記曇陽子仙跡甚詳宜并求

而刻之書寄子雨並寄秋士

我聞曇陽子皎皎人中仙仙駕過舊山彷彿謝自然人言

曇陽子飄飄仙之人辭榮早入道分明蔡尋真曇陽卽曇

鸞北齊老尊宿原從佛地來靈山禮靈鷲太息湯若士譙

語真無稽可憐綺語戒終古墮泥犁我昔至婁東曾禮曇

陽觀門外萬桃花彈指滄桑換我昔交天水曾見曇陽錄
墉城一卷書夜靜焚香讀君今溯詩派婁水刻琴存亦如
返生香招取詩仙魂我意刻仙書更爲婁東重清晨一杵
鐘喚醒臨川夢

寄題岳陽樓懷呂仙

玉籙金尊息羽翰神仙遊戲下瑤壇生平也有栽花癖種
徧春山白牡丹

翰墨烟霞有異香黃梁熟後乞紅梁思量四十年來事已
抵封侯夢一場

未免浮生惜好春况因花月戀紅塵仙山倘縛青鸞帶他

日盧英有替人

盧生名英字培之見

洞庭湖水拍天浮東指滄溟話十洲我欲題詩邀一醉待
君重過岳陽樓

夢仙真詠

樊榭闌干楚苑鴉錦箏樓閣謝娘家醉中彷彿聞花氣夢
裏分明見月華何處朗吟聽夜雨有人微步詠朝霞紫囊
一卷西青記畱得蘭香舊辟邪

一角西神黛影孤芙蓉湖是玉孃湖涼波浸月澄雙鏡翠
葉和烟颺六銖上界清吟嬌鳳語羣仙高會彩鸞扶修書
我亦人間世紀罷吳觚紀越觚

妙香壇下步虛詞靜夜閒庭敞碧墀種得枝柯交玉樹駐
來軒蓋結華芝遠天星斗雲千疊近水樓臺月一規讀到

紫微新製敘左宮青玉少鶯知

題花影樓詞

嬌花媚月寫芳春絕似開元法曲新畢竟淺斟低唱好莫將秦柳換蘇辛

桃花烟雨藕花潮家在紅闌廿四橋幾點疎星一鉤月夜深來和玉人簫

十年浪跡悞浮名一卷烏絲尙有情我亦江南舊詞客無人來按紫鸞笙紫鸞笙譜余詞名

讀真誥因題四律

紫微夫人

諱清娥字愈意王母第二十女紫微左宮王夫人也嘗爲楊義書木敘

紫微畱木敘一卷卽丹經蕊佩貽乾棗蘭堂摺伏苓餐霞

滌玉盃服霧漱雲瓶更有瑤池女雲林降鳳聯右英夫人名媚蘭字

申林王母第十三女治洽浪山受書為雲林夫人

萼綠華

九嶷山中得道女羅郁也以升平之年降羊權贈詩一篇授以火浣布手巾金玉條

脫尸解藥權字道興忱之少子晉簡文黃門侍郎即羊欣祖也

俯視六朝花仙人萼綠華白橫香海雪青入碧天霞羅郁

新詩卷羊權舊世家葫蘆畱口訣湘上黛烟斜道家有萼

蓋以修真之道授權也

安靈簫

金臺李夫人少女也署為紫清上宮九華真妃賜姓安名鬱嬪字靈簫紫微夫人偕

以降楊羲贈以詩授以童面之經還白之法

少女靈簫侶真妃墨會年齊牢參慧業匏爵證因緣攜帶

分金髓交裙拂玉天絳雲新詠在宜拜左官前

齊牢攜絳雲紫微夫

人句也

管妃

與紫微雲林同降有朱陵北絕臺上嬪管妃

十五高真降其中有管妃定知九華帳宜稱五銖衣雲母含晨景香嬰侍隱暉鵬波吾道侶玉室寫靈飛

汪逸珠女史臨西王母讌瑤池圖

九重弱水環銀潢崑崙懸圃天中央玉樓十二閭風起青琳宇接朱紫房連琳彩帳亘華闕明月四朗生輝光丹剛林中白環樹千尋瑤幹聲琅琅遊戲芝田啄瑤草斑龍紫磨青鳳皇龜山阿母太華髻天人妝束矜端莊晨嬰之冠鳳文舄雲飛裾襴襪袿長羽童扶蓋暎華勝天仙秉節飄霓裳左右玉女好顏色五銖衣薄神揚揚姬宗穆滿盛天

子循山絕水周遐荒鞭笞白儀駕赤虬馳驅八駿驕騰驤
羽琤曝蠹披典冊瑤華載乘窺縹緗璿珠玉果觀瑤器伯
天河典陳輝煌西巡萬里不辭遠蹀躞翠水驂翱翔吉日
甲子用賓禮光碧宴啓瑤池觴雪藕千年列璀璨冰桃萬
歲羅芬芳曄蚪脯麟炙鴻鷺嫌山甜雪流霞漿嬰靈小部
奏法曲凌華拊石飛瓊簫眾中神姿最姣麗粲然玉齒郭
密香曲終宴罷幾人世弇山槐目悲星霜悠遠山陵白雲
白哀歌雨雪黃竹黃重壁臺空盛姬病春冰露滑壺觥涼
樂池南畔起仙冢承斗陳瑟聲悽愴仙山歲華亦易老重
來何日空茫茫蟠桃花落青鳥去蓬萊清淺悲滄桑

西靈玉妃歌

西靈玉妃者名皇妃靈鳳之女衛羅國王女配瑛
所生也墮地能言云我是鳳子位應天妃因名皇
妃生三日羣鳳來賀玄哺玉霜洪泉曲水八鍊芝
瑛年八歲執心肅操超拔俗倫朝則謁日暮則揖
月旣而配瑛乘鳳上於景霄受書爲南極上元君
皇妃功德遐徹天真咸降以上元之歲庚申七日
元始天尊會於衛羅玉國鳳麟之邱羈華之下皇
妃室內忽有日象如鏡映見天真大神普在鏡中
因登通陽之臺忽有神鳳來翔妃因驂鳳遂至道
前天尊指金臺王母以爲妃師母因封以西靈玉
妃之號並命九光靈童以靈寶赤書白帝真文授

妃受號三百中值青刼改運復寄胎於李氏三年
於西那玉國金壘幽谷李樹之下化生爲男改姓
上余諱日昌至開光元年歲在上甲元始天尊錫
西方七寶金門皓靈皇老君號詳洞玄本行經余
舊於古樂苑見配瑛事旣作配瑛靈鳳歌今復於
雲笈七籤獲覩皇妃之詳更爲一詩以識之

西靈玉妃鳳之子生自衛羅玉國之深宮母曰配瑛國王
女與鳳遊處長林中墮地能言羣鳳賀玉霜皎潔芝瑛重
朝惟謁日暮揖月功德遐徹天真通母乘靈鳳景霄上南
極高尙元君崇上元庚申歲七日羣真下降騫華東天花
飛舞雜天雨天樂縹緲隨天風日光如鏡鏡如日圓規萬

象窺玲瓏神鳳飛翔集臺下跨鳳卽與驂鸞同天尊指示
語主母是爲汝師汝所宗霜羅赤書秘文在西靈玉妃膺
褒封受號三百值青初蟠根仙李扶高空是爲皓靈皇老
君前世玉女今金童我聞老君有五紀青靈始老君丹靈
玄老君金門七寶神所鍾阿羅天中鳳凰國鸞鸞五色棲
梧桐申林愈意定相識瑤池照影春波融眞靈位業禮雲
笈綵雲香徹祥烟濃

江南四洞天詩

杜光庭洞天福地記本之本教龜山白玉上經十
大洞天江南居其二三十六小洞天江南亦居其
二因各爲一詩題之

句曲卽華陽神仙之窟宅吹笙聽松風何止陶貞白

第八句曲

洞名金壇華陽之天在潤洲茅山

名著洞庭山云通洞庭路他年訪龍威來問藏書處

第九林屋

洞名左神幽墟之天在蘇州太湖西山

江南兩金陵鍾山實福地中有古仙人能話六朝事

第三十一

洞名朱湖太生之天在金陵鍾山

何處仙人館丹砂石竈虛秦皇雙白璧或有李斯書

第三十二

洞名方會之天在良常山

浙江十二洞天詩

十大洞天浙居其二十六小洞天浙居其十亦

各以一詩記之

上玉名清平赤城三百里何年渡石梁瓊臺望霞起

第六赤城

洞名上玉清平之天在台州

括蒼渺何處洞中有丹井滿山綠胡蜨先問桃花嶺

第十括蒼

洞名成德隱元之天在台州

四明窺日月處處橫仙橋中有好臺榭吾憶樊雲翹

第九四明

山名丹山赤水之天在明州

千巖與萬壑會稽好山水一棹鏡湖秋香爐暮烟紫

第十會稽

山名陽明洞天一名極玄太元之天在越州

太白連終南茲亦名太白時有星精來長庚夜天碧

第十太白

白山名玄德之天在明州

永嘉山水縣林巒出塵壚天半紫雲來亭亭若車蓋

第十華

蓋山名容成太玉之天在永嘉

蓋竹台山陰積翠橫海峴仙人海上來當作蓬萊看第十

竹山名長耀寶元之天在臨海

金庭近剡縣雪中山翠好擬學王子猷來訪戴安道第三十七

金庭山名金庭崇妙之天在剡縣

仙藥藏何處仙都別有天仙人倘相待應有藥延年第二十九

仙都山名祈仙之天在縉雲

青田古石門其上有飛瀑我來采華芝招取青田鶴第三十

田山名青田太鶴之天在青田

天目古九鎖洞霄在其下我家古餘杭來此立精舍第三十四

天目山名太微玄蓋之天在餘杭

金華古仙山洞天在其內來訪黃初平應有石羊在

第三十六

金華山名金華洞
元之天在金華

題同人山水畫幀二十四首

僕

泉石舊盟烟霞夙契苦搜塵網未遂山澤之遊

獲交海內畫家各爲一幀晨夕晤對亦宗少文臥

遊意也各爲十韻題之

岱頂題名

錢塘奚鍊
生同畫

泰山羣嶽宗翠壓坤輿厚凌雲十八盤天門聚深秀瑤池
王母梳玉殿元君綬萬仙瑩靈顏樓臺湧雲構摩崖唐開
元立石漢元狩松雨蝕古篆何況金泥舊翠壁下珠簾靜
聽鳴玉漱頻見采芝人天花拂紅袖題名玉女池名與青

山壽翩翩笙鶴來風吹白雲皺

嵩陽訪隱

石門方蘭
士薰畫

四方各萬里茲山天當中

稚存句

日月石上生萬古青濛濛

巢由此棲飲箕頽餘高風四皓餐紫芝韶顏麗青童開母
禮石闕三花三芙蓉少姨皎如玉雲氣乘飛龍仙林茁菴
草春黛纖眉濃吾欲攜鸞臺王官訪司空吾欲營草堂烟
庭就廬鴻夜聞搗藥禽遠和霜林鐘

華嶽攀星

太倉王蓬
心宸畫

三峰削寒碧石骨凝秋霜呼吸近帝座顙氣遶金方俯窺
玉井蓮蓮花何芬芳蓮子爲丹砂蓮葉爲衣裳二十八潭
水沆瀣澄鴛漿西上玉女峰觸手明星光明星若匏瓜色

亦如鶯黃置之懷袖間
衣袖生天香水簾捲不起珠露生
微涼攜琴踏星去隔簾招玉姜

衡峯玩月

安邑宋芝
山葆淳畫

衡山九面青南溟入包孕雲間朱鳥峯高寒挹斗柄海上
明月來挂此瑤臺鏡夜香寒殿銷暮靄危樓凭洞庭夜華
碧遠與冰壺映瀟湘帝子遊翩翩桂旗媵河漢近可浣星
辰呼欲應天孫指河鼓乞取支機贈天風吹白雲玉輪移
漸正霓裳奏廣寒更向峰巔聽

黃山雲海

歙吳南藩
文徵畫

雲忙山態閒雲動山意靜黃山卅六峯峯峯抱雲影嬾挂
青松梢高壓蓮花頂癡猿闢雲戶齋虎守雲井須臾海潮

音一白鋪萬頃縹緲迴瀾生頽洞長風騁金支交翠旗龍
女態明靚黃帝鍊丹處山中畱石鼎至今丹砂牀雲臥空
山冷中有望雲人回首憶滄溟

峩眉積雪

南昌萬廉
山承紀畫

大峨連中峩高寒壓嵩華雪山亘雪城冥冥不知夜雪蟲
寒自生雪花開不謝聖燈雪所凝佛光雪所化猿狖陰洞
中雕鷲寒巖下普賢老尊宿鐘梵闢僧舍隱隱華藏海紅
出青林嶰瓊簫咽淒越寶瑟奏清暇天彭與井絡一氣走
滄瀾此境勝清涼六月不知夏

雲臺觀海

揚州朱素
人本畫

雲臺古鬱洲絕頂迎朝暾崑崙三萬里一綫通河源其下

大海水萬頃秋濤翻蛟龍所出沒雲日相吐吞金銀見宮闕縹緲三神山昔者丞相斯題作秦東門祖龍逝已久斯篆亦不存惟有櫻桃花東磊斜陽溫玉女舊名錄司者惟仙官我欲把芙蓉抗手招嬋媛

匡廬聽瀑

崑山王椒畦學浩畫

銀河落九天玉淵深九地匡廬飛瀑多練影界寒翠九疊屏風環三疊石梁跨玉壚三澗雪飛泉出其下遠聽激鳴玉近聽喧奔霆譜出幽澗泉綠綺聲泠泠山中三玉女一皆仙才蔡尋真李騰空李太白妻青蘭簪綠髻石鏡光徘徊香爐生紫烟我亦題詩者他年白蓮花來訪遠公社

巫峽玩雲

錢塘高邁菴樹理畫

巫山十二峰峰峰如美人一峰最婉嫕中有陽臺雲朝雲
巫峽雲暮雲巫峽雨沉沉暗楚天美人渺何許雲態旣嫕
媚雲情尤縹緲何山不出雲祇有巫雲好玩深欲忘食玩
久還忘歸雲亦知我意近我殊依依憐香戒輕浮惜玉須
珍重我吟巫峽雲不信陽臺夢

瀟湘夜雨

仁和錢松
壺杜畫

湘水清若空湘烟碧無際濛濛湘雨來澹抹湘山翠遠山
如脩蛾近山若螺髻湘花簪綠鬢湘女最佳麗紅濕楚妃
花碧染娥皇淚迢迢楚天遠雲嬌雨亦媚芳名憶玉顏天
涯遠含睇應知望遠人靜數燈花細香草夢幽蘭輕寒生
翠被湘鴈櫓聲來悠然漁父柁

武夷聽樂

蕪湖王子卿澤畫

武夷水抱山山曲水亦曲扁舟逐水行九曲春山綠臥看
天遊峰虹橋架巖腹雲洞渺何處歸雲洞中宿紫溪青蘭
花飲澗下羣鹿我有古硯山伴我松間讀一幀指仙掌仙
蹤下鸞鶴幔亭峯最高下有仙人幄秋宵華月明來聽賓
雲曲雙鬟弄鶯笙仙姝皎如玉

林屋讀書

錢塘姚修白嗣懋畫

太湖七十峯峯峯青珊瑚林屋古洞天左神閼幽虛黃帝
畱寶笈神禹窺貞符丈人守金簡赤海探元珠至今百靈
朝秀色開三吳此中仙世界樓閣如蓬壺漁家謫蘭香滄
海譚麻姑夷光銷夏處花影嬌芙蓉吾愛縹緲峯石室營

石間綠筇叩隔凡來借龍威書

天台石梁

丹徒張夕
菴畫

飛流下石梁天台隔雲巘一角曇花亭危闌壓蒼蘚雪練
晴更飛水綃寒不卷鱗激龍潭深翅鼓鵝溪淺瓊臺多桃
花溪流引人遠花間兩仙子玉色美容鬚翠被共花熏羽
衣分石浣仙眷易纏綿仙姻多嫵婉前生與後生采藥師
劉阮洞口飯胡麻尋仙應未晚

雁蕩龍湫

嘉興葉耳
峯恒畫

龍湫本無龍雁蕩亦無雁飛瀑從空來直下如匹練水花
搖玲瓏急雨濺人面松陰靄濃綠飛墮天花片瘦鶻棲懸
崖飛猱度危棧礧碧僧屐陷嵐翠客筇戀深谷氣候殊壘

嶂陰晴變赤足踏天池風急冷雲讌歸趁蔬筍社齋廚飯
香羨翦燭照飛錫夜鐘出寒殿

王屋仙蹤

昭文蔣霞
竹竇齡畫

王屋仙人居樓閣雲山疊仙翁爾何人姻眷坤靈牒韋女
粲如花花氣嬌兩靨白石拂羽衣綠苔印香屨至今老梅
樹花落猶生葉葛鮑尋丹砂劉樊話皂莢金鑾偶遊戲還
山紙驢捷侍女環細腰諸奴叱長鬣一笑謝翁主山妻守
雲笈蝙蝠君自豪我亦莊生蝶

桐江漁隱

嘉定程蘅
香庭鶯畫

翠明林外烟紅墮峯前霞倒影入江水江上多漁娃照水
理雙髻江鏡開清華幽芳彌自珍簪髻青蘭斜漁父忘風

波蕤笠浮輕槎白魚初出網徑欲尋酒家客星與仙女高
風渺蒹葭竹間小兒女浣衣如浣紗一路畫眉聲啼人山
桃花秋雪話西溪老樹遲歸鴉

空同招鶴

白鷺洲道士
朱嶽雲畫

迢迢空同山廣成棲息處軒皇訪道來七聖迷烟霧峰棲
上世雲巖挂太古樹洞中兩元鶴皓羽失其素仙人之騏
驥曾向山顛駐仙人去不還鶴尙山中住偶然出洞遊沆
瀣飲仙露復有兩鶴雛遊戲雲霄路毛羽尙相假願向雲
霄去長笛弄梅花棲影江天暮

天目飯猿

南屏方外
松光畫

天都走南支仙窟多靈猿猿公尊者宿猿女嬌嬋媛攀條

弄山果一一猿子孫松風拂几榻蘿月窺洞門接竹劍術
劍拂蘚丹經丹有客山中來踏澗尋靈源飯猿如飯客齋
鐘聚朝餐作禮解合掌銘此一飯恩龍泓古松影鷺嶺蒼
苔痕會從猿父遊嘯月招黃昏

岳陽聞蘧

錢塘家曼
生鴻壽畫

春心滿洞庭水天渺空濶闌影落江流危樓倒百尺仙人
海上來倚闌弄長蘧秋聲入寒玉蛟龍氣盤辟一吹晚山
青再吹月華白三吹更四吹彩雲畫秋碧蒼梧幾點烟君
山一拳石江城萬梅花處處飛瑤席羽衣招黃鶴榴皮畫
空壁乘風歸去來我亦蓬池客

赤壁吹簫

錢塘屠琴
鳴倬畫

青山臥江水霞綺相澄鮮東嶺上明月蕩漾江波圓坡公
昔遊處兩賦何翩翩周郎百戰地匏尊酌寒烟始知英雄
事終賴文章傳林端夜鳥啼沙上閒鷗眠江流去浩浩月
色來娟娟會當約佳客來放橫江船聽客吹洞簫作賦追
坡仙水枕夢孤鶴羽衣來翩翩

武陵種桃

錢塘汪琴
雲逸珠畫

武陵桃花源源外桃花溪溪上桃花林林下桃花蹊花底
乳燕翔花上流鶯啼流水何涓涓芳草何萋萋花開暖蒸
霞花落香成泥逢花便玩花路繞花間隄玩花還惜花酒
向花間攜露濕漁簑冷影壓漁篷低洞中避秦人耕鑿全
天倪我向桃花源臥夢迴聞曙雞

華陽採藥

嘉興沈采
石數畫

金庭神仙宮鬱岡烟霞窟含真與易遷洞天開石室山中
靈藥多蘂靡芳林密曉露潤仙茅晚烟辨雲朮昔者陶隱
居華陽署真逸繞閣千萬松香草松根茁童子吹鸞笙松
陰上黃月書畱瘞鶴銘彷彿右軍筆精心擇本草方書畱
幾帙何人贈華芝雲際綠鬟出

雲門掃花

姬人錢塘管
靜初筠畫

天風吹白雲紅碎桃花雨落英辭故條愁紅慘無語雲外
袞裳來雙鬟采芝女睹花生太息珍惜若儔侶肩披彩鳳
翎手拂青鸞羽花魂悵不銷起作迴風舞眠香蝶夢愁坐
樹鶯啼苦莫遣逐微波餘芳下蘭渚三尺護花旂一卷羣

芳譜何處葬濃香春山一坏土

羅浮戲蝶

姬人吳門文
湘霞靜玉畫

一步一梅花一花一明月羅浮四百峰峰峰盡寒碧山下
梅花村草堂花四壁村農種花田簑笠花氣息花外明月
來夜華照晴雪滿地影橫斜月白花亦白胡蝶梅花香餐
花飲花液朝飛花上烟暮宿花間石仙夢幻莊生詩情閒
謝客冥冥花首臺何人夜吹簫

習靜

不倚詩囊不酒瓶不橫綠綺不青萍數行逸少親書字一
卷維摩所說經靜聽鳥聲喧隔院閒看花影颺虛櫺寸田
便是光明藏消盡凡心見性靈

華胥子歌

華胥子一生慣作華胥夢夢向華胥國裏遊遊戲碧城驂
紫鳳夢騎胡蝶邀梅花朱明洞裏餐丹砂夢叱斑龍種瑤
草蓬萊宮中語青鳥夢登華頂斟鴛漿夢窺月府聽霓裳
夢經瑤池謁金母夢入玉清朝紫皇紫皇賜我絳雪之神
丹令我汗漫遊人間五嶽十洲遊履太辛苦許我嘯傲江
上之名山秦淮豔金粉蘇臺美羅綺更有美人湖泉石烟
霞妙無比雲鬟蕊佩嬌芳年金釵問字來羣仙任我學仙
兼學佛月中花影叅情禪攝青龍馴白虎育嬰兒調姘女
再拜木公與金姥甲乙之壇戊己戶元牝中間一珠黍五
行歸入中央土欲覓華胥何處所且向希夷尋睡譜